

Na osnovu člana 12. Zakona o udruženjima i fondacijama /Službene novine F BiH 45/2002 / Skupština Odbojkaškog saveza Federacije Bosne i Hercegovine, na svojoj sjednici održanoj 22.06.2019 god. donijela je:

STATUT

Odbojkaškog saveza Federacije Bosne i Hercegovine

I OPŠTE ODREDBE

Član 1.

Odbojkaški savez Federacije Bosne i Hercegovine (u daljnjem tekstu – Savez) je dobrovoljna, interesna, vanstranačka sportska organizacija raznih kategorija koje se udružuju u Sportski savez BiH i Olimpijski komitet BiH. Osnovni cilj Saveza je razvoj odbojkaškog sporta na području F BiH.

Član 2.

Naziv Saveza je: **Odbojkaški savez Federacije Bosne i Hercegovine.**

Skraćeni naziv Saveza je: OS FBiH.

Sjedište Saveza je u Tuzli, Novi tržni centar, Slatina 9, 75 000Tuzla.

Savez ostvaruje svoju djelatnost na području F BiH.

Član 3.

Savez se dobrovoljno udružuje u Odbojkaški Savez BiH. Savez saraduje sa: Sportskim savezima i drugim sportskim organizacijama.

Član 4

Savez ima svojstvo pravnog lica sa pravima, obavezama i odgovornostima na osnovu Ustava i postojećih zakona i propisa.

Član 5.

Savez ima svoj pečat / štambilj/ i znak / logotip.

Pečat Saveza je okruglog oblika /fi/ 30mm, na kojem je latinicom ispisan kružni tekst sa logotipom: „Odbojkaški savez Federacije Bosne i Hercegovine“.

Štambilj Saveza je četvrtastog oblika na kojem je ispisan tekst kao i na pečatu iz prethodnog stava, dimenzija 60x30 mm i sadrži rubricirani prostor za podatke o službenim aktima (broj, datum, prilozi i dr.), a označava i bližu oznaku o sjedištu Saveza.

Broj pečata, štambilja i znaka Saveza, način upotrebe, rukovanje, čuvanje, evidentiranje i uništavanje utvrdiće se Opštim aktima ovlaštenog organa Saveza.

Član 6.

Savez zastupa i predstavlja Predsjednik Saveza, a u njegovom odsustvu ili spriječenosti Dopredsjednik ili član Upravnog odbora koga ovlasti Predsjednik Saveza.

Član 7.

Organizacija, djelovanje i ciljevi Saveza i njegovih institucija i pojedinaca zasnovani su na demokratskim principima u skladu sa Ustavom, Zakonom i ovim Satutom.

Član 8.

Rad Saveza je javan.

Aktivnost i rad u organima Saveza smatra se počasnim radom i funkcijom.

II CILJEVI, ZADACI I DJELATNOST SAVEZA

Član 9.

Osnovni ciljevi i zadaci Saveza: Podstiče programe omasovljenja odbojkaškog sporta u F BiH.

Djelatnost Saveza:

- utvrđuje osnovne principe sistema takmičenja u F BiH,
- utvrđuje način i strukturu obrazovanja stručnih kadrova za rad sa odbojkaškim sportistima.
- organizovanje i sprovođenje svih oblika međunarodnih takmičenja i takmičarskih aktivnosti /susreta/ reprezentativnih selekcija koje organizuje FIVB i CEV (Svjetska i Evropska odbojkaška federacija) i BVA (Balkanska odbojkaška asocijacija),
- organizovanje savjetovanja, simpozija, okruglih stolova i sličnih okupljanja eminentnih stručnjaka sa teritorije F BiH i na međunarodnom nivou,
- organizuje seminare za trenere, službena lica, sekretare klubova članova Saveza, pripreme svih reprezentacija BiH,

- predlaganje ustanovljenja sistema kategorizacije takmičara i zdravstvene zaštite,
- objedinjavanje aktivnosti i druge djelatnosti koje mu povjere pridruženi članovi,
- radi uspješnijeg izvršenja ciljeva i zadataka, Savez saraduje sa nadležnim tijelima BiH, udruženjima, preduzećima, vaspitno-obrazovnim ustanovama i drugim stručnim institucijama i organizacijama.

Član 10.

Savez može, radi ostvarenja ciljeva i zadataka utvrđenim Statutom, a u skladu sa Zakonom osnovati Marketing službu, odnosno sektor.

Član 11.

U svrhu kvalitetne realizacije programskih sadržaja, ciljeva i zadataka djelatnosti Saveza organi Saveza donose programe rada za svaku kalendarsku godinu, sa kojima operacionaliziraju programske ciljeve, zadatke i djelatnosti Saveza i utvrđuju njihove nosioce, izvršioce i rokove izvršenja.

III ČLANSTVO

Član 12.

Kolektivni članovi Saveza su:

- udruženja (aktivni klubovi) sa teritorije F BiH koji se dobrovoljno učlanjuju u Savez,
- udruženja koja rade u interesu odbojkaškog sporta i koji poštuju sva akta OS FBiH.

Svoja prava i obaveze kolektivni članovi ostvaruju putem svojih predstavnika-zastupnika u organima upravljanja Saveza.

Član 13.

Osnovna prava, dužnosti i odgovornosti članova iz prethodnog člana su:

- da aktivnim djelovanjem učestvuju u jednoj ili više osnovnih organizacija (sekcija, klubova, društava) čiji su članovi,
- da učestvuju u raspravljanju o svim pitanjima iz rada Saveza,
- da biraju i budu birani u sve organe Saveza,
- da prisustvuju i aktivno učestvuju na sastancima - sjednicama na kojima se raspravlja i odlučuje o njihovom radu i postupcima, kao i kada se donose druge odluke koje se njih neposredno tiču,
- da savjesno i odgovorno izvršavaju zadatke i obaveze uopšte, a posebno na treninzima i takmičenjima,

- da ostvaruju i druga prava, dužnosti i odgovornosti utvrđene ovim Statutom i drugim opštim aktima Saveza.

Član 14.

Da bi postale članom Saveza organizacije trebaju dostaviti:

- odluku o udruživanju u Savez,
- kopiju (ovjerenu) Statuta matične organizacije,
- ovjerenu kopiju Rješenja o upisu u registar udruženja,
- osnovne podatke o članstvu, ime predsjednika i sekretara.

Član 15.

Članstvo udruženja organizacije u Savezu prestaje:

- brisanjem udruženja organizacije iz registra udruženja,
- odlukom Skupštine Saveza, ako udružena organizacija svojim djelovanjem ne štiti ugled Saveza,
- ako udruženje ili njegovi članovi rade protiv interesa Saveza,
- neizvršavanjem finansijskih obaveza prema Savezu,
- na vlastiti zahtjev sa obrazloženjem.

Član 16.

Kada udruženoj organizaciji na osnovu člana 15. Statuta prestane članstvo, ista mora potpuno izmiriti sve obaveze preuzete prema Savezu.

IV- ORGANIZACIJA, ORGANI UPRAVLJANJA

IRUKOVOĐENJE SAVEZOM

Član 17.

Savezom upravljaju udružene organizacije u skladu sa Zakonom i ovim Statutom.

Član 18.

Organi Saveza su:

- Skupština Saveza

- Upravni odbor Saveza
- Nadzorni odbor Saveza

Savez može, na način kojim donosi vlastite odluke, obrazovati i druge organe i tijela kojima se doprinosi efikasnijem i racionalnijem radu Saveza.

A - Skupština Saveza.

Član 19.

Najviši organ upravljanja u okviru prava i dužnosti Saveza je Skupština.

Član 20.

Skupština saveza broji 61 delegata.

Skupštinu Saveza čine: Spisak Klubova članova Skupštine saveza dostavljen u originalu Ministarstvu Pravde Federacije Bosne i Hercegovine.

Član 21.

Skupština Saveza u okviru prava i dužnosti obavlja sljedeće poslove:

- donosi Statut, izmjene i dopune Statuta i druge akte određene Statutom,
- imenuje Upravni odbor, Nadzorni odbor, Predsjednika i Dopredsjednika Saveza i Predsjednika i dopredsjednika Skupštine saveza,
- usvaja godišnje finansijske izvještaje o radu Saveza i izvještaje o radu organa Saveza,
- usvaja godišnji finansijski plan Saveza i Plan rada Saveza,
- odlučuje o prijemu novih članova Saveza, isključenju iz članstva i drugim statusnim promjenama Saveza,
- vodi, usmjerava i određuje generalnu politiku rada Saveza
- donosi odluke o kupovini nekretnina,
- donosi poslovnik o radu Skupštine Saveza,
- obavlja i druge poslove određene zakonom, Statutom i poslovnikom Skupštine.

Član 22.

Statut Saveza donosi Skupština 2/3 (dvotrećinskom) većinom ukupnog broja članova Skupštine.

Izmjena i dopuna vrši se na način propisan za donošenje Statuta.

Član 23.

Mandat članova Skupštine Saveza je 4 (četiri) godine, s tim da ista osoba može biti više puta birana na određenu funkciju u Savezu, ako joj povjerenje da Skupština. Mandat članu Skupštine Saveza prestaje prije isteka vremena na koju je izabran;

- ostavkom,
- opozivom
- smrću.

Član organa Saveza koji ne izvršava svoje dužnosti može biti opozvan od strane organizacije koja ga je birala.

Član organa Saveza može podnijeti ostavku organizaciji koja ga je birala prije isteka mandata, uz obrazloženje.

Članu organa Saveza prestaje mandat ako trajno napusti F BiH,

Član se smatra opozvanim ako je za opoziv glasala većina od prisutnih članova, a na prijedlog Upravnog odbora.

Član 24.

Kvorum za rad Skupštine je nadpolovična većina ukupnog broja članova Skupštine.

Skupština Saveza odlučuje većinom glasova od ukupnog broja prisutnih članova Skupštine.

Član 25.

Skupština Saveza ima Poslovnik.

Poslovnikom Skupštine Saveza se uređuju pitanja i rad Skupštine Saveza, uslovi za rad članova Skupštine Saveza, postupak za donošenje odluka i drugih općih akata, način glasanja, način izbora u Savezu, kao i druga pitanja od značaja za efikasan i racionalan rad Skupštine Saveza.

Član 26.

Svaki član Skupštine Saveza ima pravo da učestvuje u radu Skupštine Saveza i u radu skupštinskih radnih tijela u koja je biran i da odlučuje o pitanjima iz njihove nadležnosti u skladu sa Statutom i Poslovnikom.

Član 27.

Član Skupštine Saveza ima pravo:

- podnositi prijedloge akata i pokretati druga pitanja iz nadležnosti Skupštine Saveza,
- postavljati pitanja koja se odnose na rad Upravnog odbora Saveza, radnih tijela Skupštine Saveza i nosilaca funkcija Saveza,
- tražiti obavještenja i podatke koje su mu potrebne za vršenje dužnosti člana Skupštine Saveza,
- izvršavati odluke i zaključke Skupštine Saveza i njenih radnih tijela na način koji će doprinosti ostvarivanju ciljeva Saveza.

Član 28.

Član Skupštine Saveza je dužan da redovno prisustvuje sjednicama Skupštine Saveza.

O prisustvu sjednicama Skupštine Saveza vodi se evidencija.

Član 29.

Skupština Saveza ima predsjednika i zamjenika predsjednika koje se bira iz reda članova Skupštine Saveza.

Mandat predsjednika i zamjenika predsjednika Skupštine Saveza je 4 (četiri) godine, s tim da se mandat može produžiti više puta.

Član 30.

Predsjednik Skupštine Saveza:

- predstavlja Skupštinu Saveza,
- saziva sjednice Skupštine Saveza,
- stara se o provođenju odredaba Poslovnika,
- rukovodi sjednicama Skupštine Saveza,
- vrši i druge poslove za koje ga ovlasti Skupština Saveza.

Ako predsjednik ne sazove Skupštinu Saveza u vrijeme i na način utvrđen Statutom, Poslovníkom i Programom rada Skupštine Saveza, Skupštinu Saveza može sazvati Upravni odbor Skupštine Saveza, Nadzorni odbor ili najmanje 1/3 članova Skupštine Saveza.

Član 31.

Skupština Saveza se saziva najmanje jedanput godišnje, a najkasnije do kraja juna tekuće godine.

Član 32.

Zamjenik predsjednika Skupštine Saveza pomaže predsjedniku u izvršavanju njegovih poslova i zadataka i zamjenjuje ga u odsutnosti.

Član 33.

Kandidate za predsjednika i zamjenika predsjednika predlaže radon tijelo Skupštine Saveza.

Izbor predsjednika i zamjenika predsjednika vrši se javno, stim što Skupština može odlučiti da se izbor vrši tajno.

Poslovníkom Skupštine Saveza se potpunije razrađuje postupak izbora i opoziva predsjednika i zamjenika predsjednika Skupštine Saveza.

Član 34.

Radi razmatranja prijedloga odluke i drugih akata, kao i radi pretresanja drugih pitanja ili za donošenje određenih konkretnih zaključaka ili rješenja na osnovama općih akata Skupštine Saveza, Skupština Saveza može obrazovati svoja radna tijela.

Sastav, djelokrug i druga pitanja od značaja za rad radnih tijela Skupštine Saveza određuje se Poslovníkom ili posebnim odlukama.

V IZBORI U OSFBiH

Član 35.

Izbori u organe OSFBiH i OSBiH se vrše svake 4 (četiri) godine na izbornoj Skupštini koju zakazuje Upravni odbor OSFBiH.

Član 36.

Za izbore u organe OSFBiH i organe OSBiH klubovi koji su članovi OSFBiH mogu kandidovati samo one osobe koje su upisane u Rješenju o formiranju udruženja kod nadležnog Ministarstva pravde kantona/županije, kao i osobe ovlaštene za predstavljanje i zastupanje udruženja – kluba.

Klub može predložiti kandidata-e na maksimalno 2 (dvije) funkcije.

Član 37.

Klubovi koji kandidiraju svoje kandidate za izbore, dužni su u pisanoj formi, dostaviti originalnu kandidaturu najmanje 10 (deset) dana prije održavanja izborne Skupštine u kancelariju Saveza putem protokola, radi provjere da li su predloženi kandidati zakonski zastupnici klubova.

Član 38.

Na izborima se zaokružuju kandidati koji su upisani na glasačkom listiću. Oni kandidati koji dobiju najviše glasova izabrani su u organe za koje su ih predložili klubovi.

Za predsjednika i dopredsjednika Saveza izabrani su oni kandidati koji su dobili najveći broj glasova. Ukoliko dva ili više kandidata imaju isti broj glasova, a njihova pozicija zadovoljava ulazak/neulazak na određenu funkciju za iste će se ponoviti glasanje. Npr. dva kandidata dobiju isti broj glasova za Upravni odbor (ili bilo koju drugu funkciju), a ona je 7. i 8. pozicija za ove kandidate će se ponoviti glasanje, a ono će biti javno.

Član 39.

U verifikacionoj komisiji ne mogu biti osobe koje se nalaze na listama za izbore.

Član 40.

Ukoliko neki član iz bilo kojeg kluba bude izabran na neku od funkcija, a u međuvremenu bude smijenjen u klubu, po automatizmu mu prestaje i funkcija u Savezu, a na njegovo mjesto ulazi prvi sa liste koji je imao najviše glasova. Na prvoj narednoj, redovnoj skupštini Saveza biće potvrđeno imenovanje te osobe.

Član 41.

U organe OSFBiH se biraju:

- Predsjednik Saveza
- Dopredsjednik Saveza
- Predsjednik Skupštine Saveza
- Dopredsjednik Skupštine Saveza
- Upravni odbor Saveza
- Nadzorni odbor Saveza

Član 42.

U organe OSBiH se biraju:

- Predsjednik saveza (svaki drugi mandat)
- Dopredsjednik saveza (svaki drugi mandat)
- 5 (pet) članova Upravnog odbora

- 15 (petnaest) članova Skupštine u skladu sa aktima OSBiH
- Nadzorni odbor po potrebi

VI NAČIN RADA I ODLUČIVANJE NA SJEDNICAMA SKUPŠTINE I UPRAVNOG ODBORA KAO I NADZORNOG ODBORA KOJI SU OBAVEZNI ZA SVE ČLANOVE

Član 43.

Odluke, stavove, zaključke i sva druga opća pojedinačna akta donose se javno na sjednicama Skupštine Saveza, Upravnog odbora i Nadzornog odbora, a obavezni su za sve članove Saveza i njenih organa i tijela.

Član 44.

Odluke Saveza punovažne su i obavezujuće za članove Saveza ako se za njih izjasni većina prisutnih članova Skupštine, odnosno Upravnog odbora na sjednicama na kojima se raspravlja o njima izuzev statutarnih promjena.

VII NAČIN DONOŠENJA STATUTA I IZMJENA I DOPUNA

Član 45.

Upravni odbor Saveza priprema Statut Saveza.

Statut Saveza donosi Skupština 2/3 (dvotrećinskom) većinom ukupnog broja članova Skupštine.

Izmjena i dopuna vrši se na način propisan za donošenje Statuta.

Član 46.

Skupština Sveza (u daljnjem tekstu - Skupština) je najviši organ.

Predstavnik – zastupnik može biti osoba:

- koja je navršila 18 godina starosti i ima poslovne sposobnosti,
- koja je dugogodišnji sportski radnik ili sportista,
- koja prisustvuje Skupštini sa punomoći potpisanom od ovlaštene osobe za predstavljanje i zastupanje kluba i originalnim pečatom kluba i Saveza.

Član 47.

Skupština ima stalna radna tijela:

- Komisija za Statut i propise,
- Komisija za priznanja i nagrade.

Privremena radna tijela se obrazuju shodno potrebama na prijedlog članova Saveza.

Član 48.

Ako je u mandatnom periodu smanjen broj članova organa Saveza preko 1/3 (jedne trećine) , obavezno se vrši izbor novih članova na upražnjena mjesta s tim što im mandat traje do isteka roka na koje su birani članovi iz prethodnog člana.

VIII UPRAVNI I NADZORNI ODBOR

A - UPRAVNI ODBOR

Član 49.

Upravni odbor Skupštine je izvršni organ.

Upravni odbor broji 7 (sedam) članova.

Članove Upravnog odbora Skupština bira iz reda svojih članova.

Mandat članovima Upravnog odbora traje 4 (četiri) godine, s time da im se mandat može produžiti više puta ako im za to povjerenje ukaže Skupština Saveza.

Predsjednik i Dopredsjednik Skupštine ne mogu biti članovi Upravnog odbora.

Član 50.

Upravni odbor obavlja slijedeće poslove:

- provodi dogovorenu politiku razvoja i djelovanja Saveza na prostorima F BiH,
- provodi prijedlog Statuta i ostalih opštih akata koje donosi Skupština,
- usvaja akta Saveza i sprovodi njihovu primjenu,
- provodi prijedlog srednjoročnog plana i godišnjeg programa Saveza koje donosi Skupština,
- provodi prijedlog finansijskog plana kao i prijedlog završnog računa i isti predlaže Skupštini na usvajanje,
- provodi poslovnik o radu Upravnog odbora,
- predlaže sistem takmičenja, kalendar takmičenja sukladno Pravilniku o takmičenju,

- odlučuje o učestvovanju na međunarodnim takmičenjima.
- odlučuje o načinu sticanju i korištenju finansijskih sredstava u skladu sa finansijskim planovima,
- donosi odluke o rebalansu finansijskog plana ako se za to ukaže potreba,
- daje prijedloge za prijem novih organizacija,
- na prijedlog stručne komisije imenuje trenere za nastupenaših takmičara na međunarodnoj sceni,
- utvrđuje jedinstveni sistem takmičenja u F BiH,
- rješava žalbe u drugostepenom postupku,
- imenuje predstavnike žirija za dodjelu nagrada i priznanja,
- utvrđuje kriterije za dodjelu nagrada i priznanja.

Član 51.

Upravni odbor djeluje na svojim redovnim i vanrednim sjednicama.

Sjednice Upravnog odbora saziva Predsjednik, a u njegovom odsustvu Dopredsjednik.

Sjednice Upravnog odbora održavaju se prema potrebi, a najmanje jedanput u tri mjeseca.

Član 52.

Upravni odbor pravovaljano odlučuje ako je sjednici prisustvuje više od polovine ukupnog broja članova.

Upravni odbor odlučuje većinom glasova ukupnog broja prisutnih članova.

Član 53.

Upravni odbor je za svoj rad odgovoran Skupštini.

Skupština može opozvati pojedinog člana Upravnog odbora i prije isteka njegovog mandata ako ne izvršava zadatke u skladu sa odredbama ovog Statuta i odlukama Skupštine.

Skupština može opozvati čitav Upravni odbor ako se ustanovi da je zbog nemara, nepravilnosti i neznanja u pripremi zadaća iz programa rada Skupštine došlo do težih posljedica po rad Saveza.

Postupak opoziva njegovog predstavnika ili čitavog Upravnog odbora isti je kao i postupak izbora.

Član 54.

Poslovníkom o radu Upravnog odbora uređuje se način rada, prava i obaveze.

Član 55.

Upravni odbor, zbog aktivnijeg i cjelovitijeg rada, može osnovati stalna i privremena radna tijela, odnosno komisije.

Stalna radna tijela Upravnog odbora su:

1. Komisija za propise,
2. Komisija za registraciju,
3. Takmičarska komisija,
4. Sudačka komisija,
5. Trenerska komisija,
6. Arbitražna komisija,
7. Disciplinski sudac,
8. Zdravstvena komisija,

Upravni odbor propisuje njihov sastav, djelokrug i zadaću rada, ovlasti.

B - NADZORNI ODBOR

Član 56.

Sveukupan rad i poslovanje Saveza nadzire Nadzorni odbor.

Predstavnike Nadzornog odbora bira Skupština iz reda udruženih organizacija čiji predstavnici nisu članovi Skupštine. Na svojoj prvoj sjednici predstavnici Nadzornog odbora između sebe biraju Predsjednika.

Predsjednik Nadzornog odbora poziva se po potrebi na sjednice Upravnog odbora, a obavezan je da prisustvuje Skupštini saveza. Mandat Predsjednika Nadzornog odbora traje 4 (četiri) godine, s tim da se mandat može produžiti.

U Nadzorni odbor ne mogu biti birani članovi Upravnog odbora i Skupštine.

Član 57.

Nadzorni odbor broji 3 (tri) člana i najmanje jedanputgodišnje vrši pregled poslovanja Saveza.

Član 58.

Nadzorni odbor ima pravo i dužnosti da vrši kontrolu:

- pravilnog provođenja odluka i drugih opštih akata Saveza,
- zakonitog, racionalnog, ekonomičnog i namjenskog korištenja sredstava i izvršenja programa i planova Saveza njenih organa i tijela.

Nadzorni odbor o pregledu materijalno-finansijskog poslovanja Saveza podnosi izvještaj Upravnom odboru i Skupštini.

Nadzorni odbor može na svoje sjednice pozvati Predsjednika Upravnog odbora i druge članove stručne službe.

Predsjednik Upravnog odbora dužan je da obezbijedi svu potrebnu dokumentaciju i druge uslove za normalan i zakonit rad Nadzornog odbora.

IX PREDSJEDNIK

Član 59.

Savez predstavlja i zastupa predsjednik Saveza.

Predsjednik Saveza može ovlaštenje iz prethodnog stava ovog člana, prenositi na druge članove Upravnog odbora, prema njihovim stručnim sposobnostima, a s ciljem kontinuiranog i kvalitetnog obavljanja poslova iz djelokruga djelatnosti Saveza.

Član 60.

Predsjednika Saveza (u daljnjem tekstu – Predsjednik) bira i razrješava Skupština na period od 4 (četiri) godine, uz mogućnost ponovnog izbora više puta ako mu za to Skupština saveza ukaže povjerenje.

Predsjednik predstavlja i zastupa Savez, saziva i predsjedava sjednicama Upravnog odbora i vrši druge poslove utvrđene ovim Statutom i odlukama Skupštine.

Član 61.

Predsjednik obavlja slijedeće aktivnosti:

- predstavlja Savez,
- saziva i utvrđuje prijedlog dnevnog reda i predsjedava sjednicama Upravnog odbora Saveza
- obavlja konsultacije sa predsjednicima organa i tijela Saveza,
- stara se o obavještavanju javnosti o radu,
- utvrđuje primjenu Poslovnika o radu Upravnog odbora,
- daje uputstva za rad Sekretaru Saveza,
- obavlja i druge poslove određene Statutom i Poslovníkom.

Član 62.

Skupština može izabrati jednog ili više dopredsjednika Saveza.

Dopredsjednik Saveza pomaže Predsjedniku u izvršavanju njegovih nadležnosti, zamjenjuje Predsjednika u slučaju njegovog odsustva ili spriječenosti i vrši druge poslove koje mu povjeri Predsjednik.

Na izbor, razrješenje i mandat dopredsjednika shodno se primjenjuje odredba o Predsjedniku Saveza.

X NAČIN STICANJA, KORIŠTENJA I RASPOLAGANJE SREDSTVIMA

Član 63.

Imovinu Saveza čine sredstva koja je Savez stekao iz:

- budžeta, članarina, kotizacija, seminara, licenci, registracija, itd.
- donacija za razvoj fizičke kulture,
- donacija domaćih i stranih fizičkih i pravnih lica,
- sponzorstva domaćih i stranih fizičkih i pravnih lica,
- iz ostalih izvora sukladno Zakonu.

Član 64.

Sredstva iz finansijskog plana strogo su namjenska i moraju se koristiti isključivo za poslove i zadaće prihvaćene godišnjim planom rada Saveza i ostalih akata Saveza.

Član 65.

Ukupna sredstva se raspoređuju finansijskim planom Saveza u skladu sa Programom rada i Finansijskim planom Saveza.

Finansijsko poslovanje vodi se u skladu sa propisima kojima se ustanovljava način vođenja računovodstvenih isprava neprofitnih organizacija.

XI STRUČNO ADMINISTRATIVNO-TEHNIČKI POSLOVI

Član 66.

Stručne, administrativno-tehničke i pomoćne poslove za potrebe Saveza obavlja stručna služba Saveza- uposlenici Saveza - do 4 (četiri) uposlenika.

XII PRIPAJANJE, RAZDVAJANJE, TRANSFORMACIJA SAVEZA

Član 67.

Upravni odbor dostavlja Skupštini Saveza prijedloge za pripajanje, razdvajanje i transformaciju Saveza.

Savez se može spojiti, razdvojiti ili transformisati samo u drugi savez koji za cilj ima razvoj odbojkaškog sporta, a na takav način da ne ugrožava ciljeve Saveza i dostignuti nivo razvoja odbojkaškog sporta.

Odluku o pripajanju, razdvajanju ili transformaciji donosi Skupština putem glasanja. Za prihvatanje prijedloga o pripajanju, razdvajanju ili transformaciji potrebno je da glasa većina prisutnih članova Skupštine.

XIII PRESTANAK RADA SAVEZA

Član 68.

Savez prestaje sa radom u skladu sa Zakonom ili kada Skupština tako odluči.

Član 69.

U slučaju prestanka rada Saveza, imovina Saveza prelazi u vlasništvo sportske organizacije koja nastavlja djelatnost rada i unaprjeđenja i razvoja sporta u F BiH.

XIV ZAVRŠNE ODREDBE

Član 70.

Odredbe Statuta tumači komisija za Statut i propise.

Član 71.

Statut Saveza je usvojen na Sjednici Skupštine Saveza, održanoj 22.06.2019. godine u Tuzli i stupa na snagu danom ovjere u Federalnom ministarstvu pravde.

Stupanjemna snagu ovog Statuta stavlja se van snage Statut br.: 407-02 - 06/11 od 4.6.2011. godine.

Tuzla, 22.06.2019.god.

Broj:1188-06/19

P R E D S J E D N I K

Emir Alajbegović